

innocuas esse confirmant, quod Sardium complectuntur. Sardi item marces acrius fulgent, ideoque præstantiores habentur, quod & alijs ferè Gemmis commune est.

De Chrysolitho. Cap. VII.

Chrysolithos multiplici discrimine partiuntur, quarum ignobiliores Arabicæ dicuntur, quod vario colore ac turbulentō cōspectu sunt. Reperio etiam & Chrysolithos in Germania nasci, in iugis scilicet Mysinacis & locis conterminis, splendore tamen ad candidum languido, quam aliquid magis fragiles. Selectissimarum India nutrix, quæ quadam tenus coeruleæ sunt, marinæ aquæ virorē ita præseferentes, ut aurū in collatione quadam veluti argenti facie cogant albicare. Porrò partibus respirationis, adeoque asthmaticis Chrysolithum cōferre tradunt. Aduersus pusillanimitatem, & contra melancholicos metus